

絕學無憂唯之與阿相去幾何善之與惡相去何若人之所畏不可不畏荒兮其未央哉衆人熙熙如享太牢如春登臺我獨怕兮其未兆若嬰兒之未孩乘乘兮若無所歸衆人皆有餘我獨若遺我愚人之心也哉純純兮俗人昭昭我獨若昏俗人察察我獨悶悶澹兮其若海颺兮似無所止衆人皆有以我獨頑且鄙我獨異於人而貴求食於母

孔德之容章第二十一

孔德之容惟道是從道之爲物惟恍惟惚兮恍兮中有象兮恍兮惚兮中有物兮窈兮冥兮其中有精其精甚真其中有信自古及今其名不去以閱衆甫吾何以知衆甫之然哉以此

曲則全章第二十二

曲則全枉則直窪則盈弊則新少則得多則惑是以聖人抱一爲天下式不自見故明不自是故彰不自伐故有功不自矜故長夫惟不爭故天下莫能與之爭古之所謂曲則全者豈虛言哉誠全而歸之

希言自然章第二十三

希言自然故飄風不終朝驟雨不終日孰爲此者天地天地尙不能久而況於人乎故從事於道者道者同於道德者同於德失者同於失同於道者道亦樂得之同於德者德亦樂得之同於失者失亦樂得之信不足有不信

跂者不立章第二十四

跂者不立跨者不行自見者不明自是者不彰自伐者無功自矜者不長其在道也曰餘食贅行物或惡之故有道者不處也

有物混成章第二十五

有物混成先天地生寂兮寥兮獨立而不改周行而不殆可以爲天下母吾不知其名字之曰道強爲之名曰大大曰逝逝曰遠遠曰反故道大天大地大王亦大域中有四大而王處一焉人法地地法天天法道道法自然

重爲輕根章第二十六

重爲輕根靜爲躁君是以君子終日行不離輜重雖有榮觀燕處超然如何萬乘之主而以
身輕天下輕則失臣躁則失君

善行章第二十七

善行無轍迹善言無瑕謫善計不用籌算善閉無關鍵而不可開善結無繩約而不可解是
以聖人常善救人故無棄人常善救物故無棄物是謂襲明故善人不善人之師不善人善
人之資不貴其師不愛其資雖智大迷是謂要妙

知其雄章第二十八

知其雄守其雌爲天下谿爲天下谿常德不離復歸於嬰兒知其白守其黑爲天下式爲天
下式常德不忒復歸於無極知其榮守其辱爲天下谷爲天下谷常德乃足復歸於樸樸散
則爲器聖人用之則爲官長故大制不割

將欲章第二十九

將欲取天下而爲之者吾見其不得已天下神器不可爲也爲者敗之執者失之故物或行

或隨或嘘或吹或強或羸或載或隳是以聖人去甚去奢去泰

以道佐人主章第三十

以道佐人主者不以兵強天下其事好還師之所處荆棘生焉大軍之後必有凶年故善者
果而已矣不敢以取強焉果而勿矜果而勿伐果而勿驕果而不得已果而勿強物壯則老
是謂非道非道早已

夫佳兵章第三十一

夫佳兵者不祥之器物或惡之故有道者不處是以君子居則貴左用兵則貴右兵者不祥
之器非君子之器不得已而用之恬淡爲上故不美也若美必樂之樂之者是樂殺人也樂
殺人者不可得志於天下矣吉事尙左凶事尙右是以偏將軍處左上將軍處右言居上勢
則以喪禮處之殺人衆多以悲哀泣之戰勝以喪禮處之

道常無名章第三十二

道常無名樸雖小天下莫能臣侯王若能守萬物將自賓天地相合以降甘露人莫之令而

自均始制有名亦既有夫亦將知止知止所以不殆譬道之在天下由川谷之與江海也

知人者智章第三十三

知人者智自知者明勝人者有力自勝者強知足者富強行者有志不失其所者久死而不亡者壽

大道汎兮章第三十四

大道汎兮其可左右萬物恃之以生而不辭功成不居衣被萬物而不為主故常無欲可名於小矣萬物歸焉而不知主可名於大矣是以聖人終不為大故能成其大

執大象章第三十五

執大象天下往往而不害安平泰樂與餌過客止道之出言淡乎其無味視之不足見聽之不足聞用之不可既

將欲歛之章第三十六

將欲歛之必固張之將欲弱之必固強之將欲廢之必固興之將欲取之必固與之是謂微

明柔之勝剛弱之勝強魚不可脫於淵國之利器不可以示人

道常無為章第三十七

道常無為而無不為侯王若能守萬物將自化化而欲作吾將鎮以無名之樸無名之樸亦將不欲不欲以靜天下將自正

上德不德章第三十八

上德不德是以有德下德不失德是以無德上德無為而無以為下德為之而有以為上仁為之而無以為上義為之而有以為上禮為之而莫之應則攘臂而仍之故失道而後德失德而後仁失仁而後義失義而後禮夫禮者忠信之薄而亂之首也前識者道之華而愚之始也是以大丈夫處其厚不處其薄居其實不居其華故去彼取此

昔之得一章第三十九

昔之得一者天得一以清地得一以寧神得一以靈谷得一以盈萬物得一以生侯王得一以為天下貞其致之一也天無以清將恐裂地無以寧將恐發神無以靈將恐歇谷無以盈

將恐竭萬物無以生將恐滅侯王無以為貞而貴高將恐蹶故貴以賤為本高以下為基是以侯王自稱孤寡不穀此其以賤為本邪非乎故致數譽無譽不欲瑋瑋如玉落落如石

反者道之動章第四十

反者道之動弱者道之用天下之物生於有有生於無

上士聞道章第四十一

上士聞道勤而行之中士聞道若存若亡下士聞道大笑之不笑不足以為道故建言有之明道若昧夷道若類進道若退上德若谷大白若辱廣德若不足建德若偷質真若渝大方無隅大器晚成大音希聲大象無形道隱無名夫惟道善貸且成

道生一章第四十二

道生一一生二二生三三生萬物萬物負陰而抱陽沖氣以為和人之所惡唯孤寡不穀而王公以為稱故物或損之而益益之而損人之所教亦我義教之強梁者不得其死吾將以為教父

天下之至柔章第四十三

天下之至柔馳騁天下之至堅無有入於無間是以知無為之有益也不言之教無為之益天下希及之矣

名與身章第四十四

名與身孰親身與貨孰多得與亡孰病是故甚愛必大費多藏必厚亡知足不辱知止不殆可以長久

大成若缺章第四十五

大成若缺其用不敝大盈若沖其用不窮大直若屈大巧若拙大辯若訥躁勝寒靜勝熱清靜為天下正

天下有道章第四十六

天下有道却走馬以糞天下無道戎馬生於郊罪莫大於可欲禍莫大於不知足咎莫大於欲得故知足之足常足矣

不出戶章第四十七

不出戶知天下不窺牖見天道其出彌遠其知彌少是以聖人不行而知不見而名不爲而成

爲學日益章第四十八

爲學日益爲道日損損之又損以至於無爲而無不爲矣故取天下者常以無事及其有事不足以取天下

聖人無常心章第四十九

聖人無常心以百姓心爲心善者吾善之不善者吾亦善之德善矣信者吾信之不信者吾亦信之德信矣聖人之在天下慄慄爲天下渾心百姓皆注其耳目聖人皆孩之

出生入死章第五十

出生入死生之徒十有三死之徒十有三民之生動之死地亦十有三夫何故以其生生之厚蓋聞善攝生者陸行不遇兕虎入軍不被甲兵兕無所投其角虎無所措其爪兵無所容

其刃夫何故以其無死地

道生之章第五十一

道生之德畜之物形之勢成之是以萬物莫不尊道而貴德道之尊德之貴莫之爵而常自然故道生之畜之長之育之成之熟之養之覆之生而不有爲而不恃長而不宰是謂玄德

天下有始章第五十二

天下有始以爲天下母既得其母以知其子既知其子復守其母沒身不殆塞其兌閉其門終身不勤開其兌濟其事終身不救見小曰明守柔曰強用其光復歸其明無遺身殃是謂襲常

使我介然章第五十三

使我介然有知行於大道唯施是畏大道甚夷而民好徑朝甚除田甚蕪倉甚虛服文采帶利劍厭飲食資財有餘是謂盜誇非道也哉

善建不拔章第五十四

善建者不拔善抱者不脫子孫以祭祀不輟修之身其德乃真修之家其德乃餘修之鄉其德乃長修之國其德乃豐修之天下其德乃普故以身觀身以家觀家以鄉觀鄉以國觀國以天下觀天下吾何以知天下之然哉以此

含德之厚章第五十五

含德之厚比於赤子毒蟲不螫猛獸不據攫鳥不搏骨弱筋柔而握固未知牝牡之合而峻作精之至也終日號而嗻不嗻和之至也知和曰常知常曰明益生曰祥心使氣曰強物壯則老是謂不道不道早已

知者不言章第五十六

知者不言言者不知塞其兌閉其門挫其銳解其紛和其光同其塵是謂玄同不可得而親不可得而疎不可得而利不可得而害不可得而貴不可得而賤故為天下貴

以正治國章第五十七

以正治國以奇用兵以無事取天下吾何以知其然哉夫天下多忌諱而民彌貧人多利器

國家滋昏人多伎巧奇物滋起法令滋彰盜賊多有故聖人云我無為而民自化我好靜而民自正我無事而民自富我無欲而民自樸

其政悶悶章第五十八

其政悶悶其民淳淳其政察察其民缺缺禍兮福所倚福兮禍所伏孰知其極其無正邪正復為奇善復為祆民之迷也其日固已久矣是以聖人方而不割廉而不劌直而不肆光而不耀

治人事天章第五十九

治人事天莫如嗇夫惟嗇是以早復早復謂之重積德重積德則無不克無不克則莫知其極莫知其極可以有國有國之母可以長久是謂深根固柢長生久視之道

治大國章第六十

治大國若烹小鮮以道莅天下者其鬼不神非其鬼不神其神不傷民非其神不傷民聖人亦不傷民夫兩不相傷故德交歸焉

大國者下流章第六十一

大國者下流天下之交天下之牝牝常以靜勝牡以靜爲下故大國以下小國則取小國小國以下大國則取大國故或下以取或下而取大國不過欲兼畜人小國不過欲入事人兩者各得其所欲故大者宜爲下

道者萬物之奧章第六十二

道者萬物之奧也善人之寶不善人之所保美言可以市尊行可以加於人人之不善何棄之有故立天子置三公雖有拱璧以先駟馬不如坐進此道古之所以貴此道者何也不曰求以得有罪以免耶故爲天下貴

爲無爲章第六十三

爲無爲事無事味無味大小多少報怨以德圖難於其易爲大於其細天下之難事必作於易天下之大事必作於細是以聖人終不爲大故能成其大夫輕諾必寡信多易必多難是以聖人由難之故終無難矣

其安易持章第六十四

其安易持其未兆易謀其脆易泮其微易散爲之於未有治之於未亂合抱之木生於毫末九層之臺起於累土千里之行始於足下爲者敗之執者失之是以聖人無爲故無敗無執故無失故民之從事常於幾成而敗之慎終如始則無敗事矣是以聖人欲不欲不貴難得之貨學不學以復衆人之所過以輔萬物之自然而不敢爲

古之善爲道章第六十五

古之善爲道者非以明民將以愚之民之難治以其智多故以智治國國之賊不以智治國國之福知此兩者亦楷式常知楷式是謂玄德玄德深矣遠矣與物反矣然後乃至大順

江海爲百谷王章第六十六

江海所以能爲百谷王者以其善下之故能爲百谷王是以聖人欲上人以其言下之欲先人以其身後之是以聖人處上而人不重處前而人不害是以天下樂推而不厭以其不爭故天下莫能與之爭

天下皆謂章第六十七

天下皆謂我道大似不肖夫惟大故似不肖若肖久矣其細也夫我有三寶寶而持之一曰慈二曰儉三曰不敢為天下先夫慈故能勇儉故能廣不敢為天下先故能成器長今捨其慈且勇捨其儉且廣捨其後且先死矣夫慈以戰則勝以守則固天將救之以慈衛之

善為士章第六十八

善為士者不武善戰者不怒善勝敵者不爭善用人者為之下是謂不爭之德是謂用人之力是謂配天古之極

用兵有言章第六十九

用兵有言吾不敢為主而為客不敢進寸而退尺是謂行無行攘無臂仍無敵執無兵禍莫大於輕敵輕敵幾喪吾寶故抗兵相加則哀者勝矣

吾言甚易知章第七十

吾言甚易知甚易行天下莫能知莫能行言有宗事有君夫惟無知是以不吾知也知我者

希則我貴矣是以聖人被褐懷玉

知不知章第七十一

知不知尚矣不知知病矣夫惟病病是以不病聖人之不病以其病病是以不病

民不畏威章第七十二

民不畏威則大威至矣無狹其所居無厭其所生夫惟不厭是以不厭是以聖人自知不自見自愛不自貴故去彼取此

勇於敢則殺章第七十三

勇於敢則殺勇於不敢則活此兩者或利或害天之所惡孰知其故是以聖人猶難之天之道不爭而善勝不言而善應不召而自來坦然而善謀天網恢恢疎而不失

民常不畏章第七十四

民常不畏死奈何以死懼之若使民常畏死而為奇者吾豈執而殺之孰敢常有司殺者殺而代司殺者殺是代大匠斲夫代大匠斲希有不傷其手矣

民之饑章第七十五

民之饑以其上食稅之多也是以饑民之難治以其上之有爲也是以難治人之輕死以其生生之厚也是以輕死唯無以生爲者是賢於貴生也

人之生章第七十六

人之生也柔弱其死也堅強草木之生也柔脆其死也枯槁故堅強者死之徒也柔弱者生之徒也是以兵強則不勝木強則共故堅強居下柔弱處上

天之道章第七十七

天之道其猶張弓乎高者抑之下者舉之有餘者損之不足者補之天之道損有餘補不足人之道則不然損不足而奉有餘孰能損有餘而奉不足於天下者其唯道乎是以聖人爲而不恃功成不居其不欲見賢耶

天下柔弱章第七十八

天下莫柔弱於水而攻堅強者莫之能先以其無以易之也柔之勝剛弱之勝強天下莫不

知而莫之能行是以聖人言受國之垢是謂社稷主受國之不祥是爲天下王正言若反

和大怨章第七十九

和大怨者必有餘怨安可以爲善是以聖人執左契而不責於人故有德司契無德司徹天道無親常與善人

小國寡民章第八十

小國寡民使民有什伯之器而不用也使民重死而不遠徙雖有舟輿無所乘之雖有甲兵無所陳之使民復結繩而用之甘其食美其服安其俗樂其業鄰國相望雞犬之聲相聞使民至老死不相與往來

信言不美章第八十一

信言不美美言不信善者不辯辯者不善知者不博博者不知聖人無積既以爲人已愈有既以與人已愈多天之道利而不害聖人之道爲而不爭

原文參照索引

老子章次

本書頁數

道可道章第一.....	二五、三三、六一三
天下皆知章第二.....	三四—三五、一五五、三八八、四〇五
不尚賢章第三.....	五七、一七九
道沖章第四.....	二四、五二、一六九、五六四、五八三—六二三、六六八、七六〇
天地章第五.....	一〇二—一一五、四三八—五五〇、七一六
谷神章第六.....	四三〇—四六二、七〇七
天長地久章第七.....	九六、一七二—一七六、二一〇、二一五、二一七、二二二、三七三—三七四、三七九
上善若水章第八.....	二二八
持而盈之章第九.....
載營魄章第十.....	一五五—一五八、四六二—四五三二、六九〇
三十輻章第十一.....	一六七
五色章第十二.....	二〇六

原文參照索引

七九七

寵辱章第十三…………… 四七、四五六、六五三
 視之不見章第十四…………… 六二〇—六六九、七〇四
 古之善爲士章第十五…………… 五五—五六、六四、一四九、一五二、一八二
 致虛極章第十六…………… 四五一—四六、一四六、一七六、一七八、三一八—三二八
 太上章第十七…………… 一七八—一七九、一八一、三一七—三二八、三七—四〇六
 大道廢章第十八…………… 二四一—二四二、二八六、二九四、三一〇—三一三、三三二—
 絕聖棄智章第十九…………… 三三三、三三九、三四一、三四五、三八—四一九、五九三
 絕學無憂章第二十…………… 二六一—二七、四四、四五六—四五八、五九三
 孔德之容章第二十一…………… 四七一—四九、二二八、六二一
 曲則全章第二十二…………… 一五、五〇—五四、六〇、六三—六四、六六、一〇六、五九四—五九五
 希言自然章第二十三…………… 一八七
 跂者不立章第二十四…………… 一八七
 有物混成章第二十五…………… 一八七
 重爲輕根章第二十六…………… 一八七
 善行章第二十七…………… 一八七

知其雄章第二十八…………… 三一七、三七五—三八一
 將欲章第二十九…………… 七三
 以道佐人主章第三十…………… 七三
 夫佳兵章第三十一…………… 二〇、一七一—一八、七三
 道常無名章第三十二…………… 一一六、三七八—三七九
 知人者智章第三十三…………… 二二一、四二七、五四六—五四七、五七六、五八一
 大道汎兮章第三十四…………… 六六一—六七、一八〇、二五七
 執大象章第三十五…………… 三一九—三二八
 將欲歛之章第三十六…………… 三一九—三二八
 道常無爲章第三十七…………… 一二七—一七一、五二三、七〇七
 上德不德章第三十八…………… 一一九
 昔之得一章第三十九…………… 一一九
 反者道之動章第四十…………… 一一九
 上士聞道章第四十一…………… 一一九
 道生一章第四十二…………… 二五、三九一、四八三、五二三—五二五
 天下之至柔章第四十三…………… 二五、三九一、四八三、五二三—五二五

名與身章第四十四……………二二〇

大成若缺章第四十五……………六六三、六六九

天下有道章第四十六……………二一七、二二一

不出戶章第四十七……………二八、二九、六四、七一

爲學日益章第四十八……………三一、二二〇、三八一、三九〇、三九一、六六八、七三九、七六〇

聖人無常心章第四十九……………三六、四四

出生入死章第五十……………一五、五三、六五、六六、八〇、八一、八四、九六、四二七、五八〇、五八一

道生之章第五十一……………五六、五一九、一五二一

天下有始章第五十二……………八二、九六、四二四、五四七、五七六

使我介然章第五十三……………六四六

善建不拔章第五十四……………六七、九九、一〇〇、一七九、二二七、二二一、五〇〇

含德之厚章第五十五……………二五

知者不言章第五十六……………五三八、五六四

以正治國章第五十七……………七三、七四、三九一

其政悶悶章第五十八……………六四二

治人事天章第五十九……………九六、一八一、一八七、三七四

治大國章第六十……………五八、五九

大國者下流章第六十一……………一六六、五二八

道者萬物之奧章第六十二……………

爲無爲章第六十三……………

其安易持章第六十四……………五六

古之善爲道章第六十五……………四九、五〇、一七九、五一九

江海爲百谷王章第六十六……………一六五、一六六、一六九、一七一、七四一、七四二

天下皆謂章第六十七……………六七、七〇、七二、三九一

善爲士章第六十八……………七四、七五

用兵有言章第六十九……………七五、七九

吾言甚易知章第七十……………五〇、三九一、六二六、六六九

知不知章第七十一……………

民不畏威章第七十二……………五五二、六七五

勇於敢則殺章第七十三……………

民常不畏章第七十四……………一九

民之饑章第七十五……………一七

人之生章第七十六…………… 一一五、二六、三一
 天之道章第七十七…………… 二八八
 天下柔弱章第七十八…………… 一〇〇—一〇二、二二九、五七三
 和大怨章第七十九…………… 二七
 小國寡民章第八十……………
 信言不美章第八十一……………

老子の研究終

老子の研究終

昭和十年十二月十日印刷
昭和十年十二月十五日發行

老子の研究 定價金五圓

著者 鵜澤總明

發行者 東京市日本橋區通三丁目八番地 和田利彦

印刷者 東京市板橋區練馬南町一ノ三五三二 川端勘一

印刷所 東京市板橋區練馬南町一ノ三五三二 株式會社日本印刷局

發兌 東京市日本橋區通三丁目 振替東京一六一七番

春陽堂


10.12.17

69
7

69

7

← 62



697

7

